



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 448. De Oddonis traditione mansi in Hamersleve intra pagum Norththuringi nec non de comitia Sehusen atque iudicio Gosceph.

**urn:nbn:de:hbz:466:1-36114**

## §. 448.

Tradidit oddo clericus pro matre sua symod (i) in hamersleue I mansum et I familiam. et quidquid ad eam pertinet.

et gubernante Corbeiam Walhonne.

## §. 449.

reperiuntur in der gründlichen Geschlechts-Historie der hochadelichen Häuser der Herren von Münchhausen p. 104 seq. In eodem libro p. 129 documentum litterarium inuenitur, in quo fit indicium, dynastiam Artzen esse sitam ad vnum milliare ab vrbe Hameloa, eamque conterminam fuisse marca dictæ Suellen. Quemadmodum igitur hæc marca nomen suum accepisse videtur ante annum 1521, et a villa nostra denominata videtur; ita quoque patet e documento litterario quodam, quod in codice diplomatico monasterii Amelungesbornensis legitur, ad annum 1298 scripto, *Arnoldum de Embere eiusque uxorem Mechtildem donasse monasterio Amelungesbornensi curiam in villa Snesle, quam donationem confirmant Adolphus atque Albertus fratres et comites de Swalenberge consentientibus fratre suo preposito Gunthero et ecclesia Magdeburgensis canonico et sororibus suis scilicet Conegunde abbatisa in Valckenbagen, Ermengarde abbatisa in Herista, et Mechtilde abbatisa in Molenbeke, nec non Jutta uxore Adolphi et filiis Gunthero et Henrico, ac filiabus Sophia, Jutta et Conegunde, porro Jutta uxore Alberti et liberis Henrico, Gunthero, Alberto, Lugarde et Jutta, quam curiam cum IV mansis Arnoldus de Embere eiusque uxor Mechtilde tenuerant in feudo a comitibus predictis. Porro ratam habet anno 1309 Albertus comes iunior Alberti comitis de Swalenberge filius venditionem IV mansorum ad curiam dictam borgbos in villa Snesle pertinentium recepta aliqua pecunia summa a canobio Amelungesbornensi, addideruntque sigilla Guntherus . . . . . Paderbornensis electus et confirmatus . . . . . patruus eius, presentibus Alberto Alberti iunioris patre, Gunthero ecclesie Mindensis thesaurario ac Henrico comite fratribus Alberti iunioris, nec non Reinholto de Vornholte, Iohanne de Elwordesen militibus, Conrado de Oldenborg famulo, fratre Iohanne de Wrebecke cellerario et fratre Iohanne de Riso monachis in Amelungesborne, restantibus litteris in eodem codice diplomatico reperiendis. Quibus e documentis apparet, comites Swalenbergenenses aliquid iuris possedisse in villa Snesle. Quam libenter itaque Helmwardum, qui ecclesie Corbeiensis bona quedam tradidit ad Sneslam villam sita, inter progenitores Swalenbergenensium comitum referre vellemus, tam illibenter perspiciamus, illud aliqua veritatis specie firmari non posse. Helmwardus scilicet in domo Widikindea non deprehendimus, quos potius deprehendimus in familia dynastarum de Artzen cognominatorum, quos e familia comitum de Euerstein descendisse, supra per coniecturam augurati sumus, qui cum eruditissimis viris statuimus, familias illustres nomina progenitorum suorum libenter et crebro inter se retinuisse. Potuerunt ergo Swalenbergenenses comites bona, ad Sneslam posita, acquirere per feminas, e stirpe Euersteinensium comitum ortas. Cognatione enim eos inter sese fuisse coniunctos, diplomata comprobant, neque id negari potest.*

- (i) Villam Hamersleue fuisse in pago Norththuringi sitam, docuit nos abbas Saracho in præstantissimo Registro. Pagum Norththuringi in aliqua diocesis Halberstadenensis parte exluisse, iam supra vidimus. Cum ergo in principatu Halberstadenensi inter Helmstadium atque Halberstadium, vrbes, vno milliari ab oppido Schönningen inueniamus locum quendam Hamersleben dictum, statuendum esse omnino arbitramur, eundem locum designari. In vico Hamersleben, duo miliaria sito ab Halberstadio vrbe, nunc monasterium exstat monachorum ordinis D. Augustini, fundarum conditumque in honorem S. Pancratii a Thietburge nobili matrona eiusque filia Machilda, testibus litteris ad annum 1112 reperiendis in Lunigs Reichs-Archiv Spic. Eccl. P. II. im Anhang p. 25. Hanc Machildam Fridericus Luca in Grafen-Saal p. 1108. nominat uxorem Friderici I, comitis palatini de Sommerchenburg, fabricatus e nomine matris nomen familie, dum Machildam appellat natam dominam de Theberg. Tradit idem, adhuc in ecclesia Hamerslebeni apparere epitaphium eiusdem Machildæ de Theberg. Est autem hæc villa Hamersleue primum probe discernenda



Ab anno  
1010 vs-  
que 1014  
regnante  
Heinri-  
co II.

da a monasterio *Hadmersleben* intra eundem principatum Halberstadenfem ob-  
uio, atque vnum milliare sito a nostro cenobio Groninga, quod monasterium  
hodie vulgus appellat *Hoisersleben* vel *Humersleben*. Ab hoc loco se quondam  
nobiles quondam domini appellarunt *de Hadmersleue*, quos membranæ nostræ  
inter nobiles clientes abbatiae Corbeiensis referunt. De his exponendum in  
*Clientela Corbeiensi* pluribus. Reperitur vero in eodem loco *Hadmersleben* mo-  
nasterium virginum sacrarum O. S. Benedicti, fundatum in honorem S. Petri  
apostoli sanctique Stephani anno 961 ab Halberstadenfi episcopo Bernhardo.  
In eo ad annum 1727 Abbatissa Margaretha Blumen, cognata nostra, virgini-  
bus præerat, et, quantum scimus, adhuc anno 1749 præest. Deinde distin-  
guenda est villa *Hammersleue* ab *Humersleben*, sita in præfectura Hötensleben,  
quam S. Waltherus in *Sing. Magdeb. P. V.*, p. 102. inter desolatas villas Saxo-  
niæ nostræ recenset. Hæc probabilissime est eadem, quæ anno 1178 in litte-  
ris Odalrici episcopi Halberstadenfis appellatur *Lutken Hammersleue*, reperiun-  
dis in *I. G. Leuckfeldii Antiq. Michaelst.* p. 37. Notatu porro dignum esse cen-  
semus, villam *Hammersleue* referri ad comitiam Schufanam, testante diplomate  
episcopi Halberstadenfis *Volradi* in S. *Waltheri Sing. Magd. P. III.* p. 54. En  
verba quæ huc faciunt: *Cum debitorum onera nimium cum archarent, comitiam  
in Sebussen domino Rudolpho archiepiscopo Magdeburgensi et ecclesia sua liberam et  
non infeodatam vendidit pro IV millibus et D. marcis cum omni iure et attinen-  
tiis suis, sicut ipsam tenuit et habuit multis annis, excepto eo quod vulgari-  
ter Gostaph vocatur in villis subnotatis, Ostenleue, Beckendorp, Hornbusen magnum, Eme-  
vinge, antiquam villam, Oschersleue, Wegerleue, Andersleue, Brandesleue, Nein-  
dorp, Hammersleue, quas subesse voluit aduocatis suis in Oschersleue pleno iure, ita  
ut ne nomine comitia in his villis aliquid attemptetur.* E quibus apparet, co-  
mitiam *Sebussen* non paruum fuisse comitatum. *Gostaph* fortassis legendum est  
*Gostaph* seu *Grauescap*. De hoc iudicio *Gostaph* pluribus egit eruditissimus D.  
Grupe in *Discept. Forens.* p. 1072. seqq. ad quod annotare volupe est, in diplo-  
mate Roberti abbatas Corbeiensis ad annum 1326, ad quod idem prouocat p.  
1076, et cuius autographum in nostris manibus est, non legi *Grafsstab*, sed  
*Graufcap*. Nugæ ergo sunt, quicquid secretarius Bierbuchse auctor *Deductionis  
iurium et Grauaminum Huxariensium* profert, contendens, ciuitati Huxariæ fuisse  
ius quoddam speciale, dictum *Groftap* seu *das Grafsgerichte*, quod abbas ven-  
diderit consulibus Huxariensibus ita, ut redimere potuerit: *Grafsstab* enim et  
*Graufcap* toto cælo differunt. Sed mirum non est, hominem, prauis affecti-  
bus indulgentem, diplomata adulterasse, et maluiffe, omnia perdi, quam sua de  
praua mente desisteret, vti causa Huxariensis ostendit, cuius fax et tuba ille Bier-  
buchsius fuit, quæque ex hoc vnico diplomate aliam faciem induit, quam quæ  
hactenus cognita est. Vt lector beneuolus ipse de hoc momento iudicare  
queat, diploma memoratum, æri incisum, dabimus, quod est huius moduli:

Dei gratia Nos Roppertus abbas prior præpositus camerarius Totuf-  
que conuentus ecclesie Corbyensis Vniuersis hoc scriptum intuenti-  
bus seu audientibus notum facimus quod dilectis nostris consulibus et  
uniuersitati ciuitatis Huxariæ si aliquis quicumque hic esset vellet emere  
iudicium in Huxaria quod vulgari nomine *eyn Graufcap* appellatur  
contra voluntatem eorum et in dampnum ad assistendum ipsis astricti  
erimus et debemus esse ac firmiter contra illum emptorem apud eos  
permanere. Si vero quispiam propter predictum iudicium ipsos at-  
templaret diffamare incusare seu infestare, contra illum ipsos volumus  
et non minus arbitrarium validum adiutorium prestare et iuramen nec  
non eosdem perplacitare tenebimur proloqui fideliter et tueri. Pre-  
terea debemus permittere et ad hoc efficaci subsidio iuuare quod sepe-  
dicti nostri consules et communitas debent per omnia in memorato  
iudicio eorum iure antiquo inuiolabiliter vti et gaudere. In premissio-  
rum euidentis testimonium nos Roppertus abbas iam dictus duximus  
nostrum sigillum vna cum sigillo nostri conuentus antedicti presenti-  
bus apponendum. Datum in vigilia natiuitatis beati Johannis Baptiste

anno domini millesimo C.C.C. XXVI.

Vt







